

近代中國史料叢刊第二十九輯

沈雲龍主編

宦海伏波大事記

陳福齡輯著

文海出版社印行

民國三年秋月

官海伏波大事記

玉田劉善錡題

宦海伏波銘

公之先人	蕩俄來征	公之本身	撫俄轟城
先後輝映	共策奇勳	其中坷坎	迭次受驚
幸獲大勝	旋凱設營	奈入漢軍	帶出缺輪
營欲登回	旗偏相爭	惹起風潮	不得安寧
只爲前清	資格限人	將旗看重	將營看輕
縱曰有志	事亦難成	幸遇福公	能把光增
頻遭參劾	備嘗苦辛	如仙過海	可以爲神
此編修定	盡是懿行	記稱伏波	何愧將軍

奉天蔡潤田謹撰於新民書館

耀祖譜序摘錄

耀不肖不能有所建樹以闡揚先澤於萬一惟橐筆當差虛糜廩粟復謬蒙天恩眷顧於嘉慶九年授黑龍江兵司滿漢筆帖式受任以來勉竭駑鈍謹守繩尺豈耀自知策勵哉蓋皆緣我祖考代傳遺範鬱極將伸耀曷敢忘其所自耶茲溯維我始遷祖考係福建泉州府同安縣廈門人氏諱汝環公於順治年間閩地騷動我始遷祖考征勦有功遂授爲福建廈門提督水師軍門康熙十七年俄人卽興犯中原滿洲馬隊事不量力縱其旅若林罔不敵於俄軍蓋以其水陸不相濟故也二十二年經寧古塔都護薩普素公奏調南方水師

數處悉命我祖統率之是時黑龍江無戰船我祖隨帶鱸鱉巨艦並將寧古塔官船撥派一百艘又將寧古塔台丁永吉州民人以及十家戶流徙自耕自食者亦撥派隨船而爲丁壯惟我族隨船征勦而爲水軍者蓋有其半焉平定之後旋蒙諭旨著令我祖爲戡定疆界之營主是功雖勤王而勳同開國故齊齊哈爾城先無水師營特於康熙二十三年始設水師總管在黑龍江璦琿城駐紮二十九年跟將軍移駐墨爾根城三十九年又跟將軍移駐齊齊哈爾城雍正八年方設定水軍額數各理差務嗣於乾隆年間奉旨呼蘭河城設立運糧船十艘所用水軍即在齊齊哈爾城水師營內撥

派前往我族中之撥派在呼蘭河城當差者故有二戶人口  
焉且康熙中葉年間更撥派我族人於寧古塔當差者尙多  
雍正八年吉林省設立砍伐修造戰船木植水軍三百名又  
將我族中撥入此營當差者若干戶自是齊齊哈爾城以及  
呼蘭河城並吉林省城均有我族當差之人乾隆十年復蒙  
恩諭查黑龍江水師營兵丁內有康熙年間征俄有功之子  
孫當與旗兵一樣陞補故從此我族中衣冠如舊不啻連旬  
霖雨倏覩青天廿載征途忽歸故里焉迨乾隆五十八年耀  
年二十二歲因思自立欲勉爲國家効力之人故發憤讀書  
設家塾立誠齋延江左生員程瑞屏先生訓課子姪年二十

九歲蒙恩揀放水軍鑲黃旗領催是年補用達呼哩鑲紅旗  
嫩濟佐領下額內委官卽委滿漢副筆帖式著在將軍印務  
處行走年三十一歲蒙鑑齋觀將軍宗室信齋斌將軍行文  
咨報吏部文選司照例補授兵司正筆帖式差務紛繁恪恭  
奔走幸無蹉跌彌切悚惶然於公事稍暇時卽將吾祖航海  
而來於平俄所衝之波濤與營人所受之波折一一並記不  
得謂與營務無小補焉

時在

嘉慶二十二年歲次丁丑三月十八日陳廣耀謹記於吉林  
備木水師營衙門之留春館

宦海伏波大事記序

軍門陳公係福建省泉州府同安縣人也幼事詩書壯精技勇志在以身許國不肯老於林下文韜武畧兼而有之康熙初任福建廈門水師提督其澄清天下之志油然而生常欲將窺伺中原之叛徒勦洗殆盡擾亂邊疆之逆黨掃蕩一空故三閩兩浙咸鎮安如磐石者皆藉軍門之力挽日下江河也是時聞風者皆驚心瞻雲者悉翹首而聲名遂從此洋溢乎中國施及蠻貊矣二十一年春黑龍江等處與羅刹接壤奈俄人不恭敬距大邦守界者曰滔滔皆是誰以易之未免得人綦難也二十二年寧古塔都護薩帶領奉吉滿洲馬隊



往勦曠日持久未獲捷勝蓋因俄人與滿人不同行而陸戰與水戰不同陣縱殫精竭力猶喪師覆軍因耳識軍門熟習水師精操船戰遂行文荊口將軍江南總督將各江沿好水手挑取丁壯三千名責其統領軍門喜曰吾南征旣不敢畏其苦於北戰又焉敢憚其勞卽効死邊陲以馬革裹尸亦爲吾人之幸事故於是率父子之兵練英雄之隊共興勤王之師焉凡樂於戰鬪者皆爲之賦無衣不傷其孤特者亦爲之歌有杖遵自吉林松花江往越伯都訥繞呼蘭三姓等處至黑龍江迤東二百餘里地臨江岸名曰烏魯蘇牡丹地方接仗水戰全獲大勝其沈壞俄艦不可勝計惟敗甲殘鱗登岸

北奔軍門陳公率所部之水師亦分隊登岸乘勝追勦而都護薩公率所部之馬隊亦乘勝作氣迎頭截擊則水陸兩軍互相夾攻直追至黑河南岸俄勢窮蹙未遺餘孽其北岸有雅克薩城距黑龍江陸路二千餘里去省會三千里有奇我兵水陸兩軍卽於南岸紮營蓄養銳氣此宦海之波經軍門平伏矣迨設營設缺竟有出營入旗帶缺充差者而風波四起又經公之先人平伏矣乃及至公之身爲營人開道路與旗人爭缺輪又不知幾經波折之苦也然此猶其太平時耳至於光緒庚子秋俄人轟城公撫礮口而舍命及光緒丙午歲俄人侵地公又實邊而招民此難伏之風波悉伏之而皆

平公本爲過海人吾猶未免爲浮海人也幸同鄉同營同荷  
厚德吾故特表而出之焉

時在

中華民國三年歲次甲寅九月重陽日同寅林濟祿謹序於

龍沙用行官廨

# 宦海伏波大事記序

天下之榮莫榮於宦天下之險莫險於海若宦以海喻未免天淵之相隔雖然者宦遇風潮而受驚亦如海遇風波而受害也此凡爲宦者大抵皆然况福公歷代爲宦殆更有甚焉溯自公之始遷祖考諱汝環公者爲福建廈門水師軍門常演風波浪裏之操克盡風波浪裏之職曾將三閩兩浙鎮安無事乃康熙中葉俄人又沿海而叛軍門復航海而來以水攻水不禁波翻黑而血流紅平伏之而海不揚波矣故封爲營主授以營缺此所謂宦之顯直不啻海之寬也又孰謂出營入旗者始而帶缺充差繼而霸缺爲例互相爭執又起一

番風波矣然而公之先人卻不肯將祖襲之簪纓付於流水  
惟欲將世傳之衣鉢歸於營門故仍平伏風波與寰海鏡清  
無以異迨及於公之身其宦海固闊於昔時其風波更多於  
昔時也不第將營缺登回且更爲旗務總理縱波濤萬狀公  
其勇於波臣波浪千層公不甘於波靡挽狂瀾於旣倒作砥  
柱於中流但欲使一已受其波折不欲使一營受其波折公  
殆如苦海行舟渡陷溺以上岸東海採藥覓靈芝以救生推  
其心卽天下之匹夫匹婦有一不被其澤者亦若已之推而  
納之溝中也所以庚子變亂公於滾滾波濤中舍命護城甲  
辰兵燹公於茫茫瀋水北奉命安邊人皆曰不受奔波可以

爲陸地神仙而公則盡受奔波可以爲過海神仙矣彼將軍以伏波爲譽者儘可移而贈公也其事不謂不大其記不謂不晰但恐管見不及有遺漏公之大事而未獲詳記究未免抱憾滋深矣如果有人與我同志嗣而補之則又堪助我平生所盡之大事

時在

中華民國三年歲次甲寅冬月一陽生日楚北棗陽何廷珊  
謹序於陪都雪裏花開之南窗



宦海伏波大事記序

宦途一節固爲貪污榮身之事實爲循良勞身之事也其以海爲喻者蓋見其宦途之道路甚寬抑以波爲名者更見其宦途之道路甚險越前十年福公曾爲奉天各局處之名宦彼時戎馬在郊哀鴻遍野公卽將瀋北洮南之民業咸安撫於無事至今談及善政莫不見甘棠而思德藝黍苗而感恩此乃衆人之公言非吾一人之私言也雖然口碑載道猶不若手澤留書客冬敝親何君玉册將公之宦海伏波大事記攜回批註吾何幸而得遇捧讀之誠其不厭百回讀也及自始至終澈底披覽知公之衣鉢傳家簪纓繼世初授營缺而



激營其闕如海繼帶營缺而入旗其折如波幸公之先人有  
過海津梁之志有乘風破浪之能縱受波靡未逐波流更叨  
恩波如海矣及至福公之身其宦固顯於先人其波更狂於  
先人也且其位大其名大而其事亦大於何見之蓋於人之  
所傳於書之所記見之焉見其與漢軍爭缺輪風波四起與  
朋黨動交涉烟波叢生奈彼等不思公曾渡難民於訥河苦  
海登岸並放奴才於哈城孽海翻身更不思舍命攔礮城池  
保存領兵紮營人民安定是亦公之於障海轉爲福海之波  
平也試問今之守土者誰能如公於波濤萬狀之中能使風  
平浪靜乎縱黑龍江人滔滔皆是而惟餘公能挽日下之江

河能作砥柱於中流焉則自有此書固所以彰福公之功亦所以激後人之志余本局外人猶不禁怦然心動矣况何君與公爲朝夕之親炙者乎其未免有情究誰能遣此蓋有不能期然而然者誠可謂由文生情由情生文之相得益彰也林洪云縱橫禮樂三千字猶不憚勞若何君則縱橫大事記三萬字猶未見憚勞矣卽將愚與何君共置一席亦必與何君同出一轍其故何也蓋因福公在奉所爲之善政入人甚深是亦焉能擱筆不復爲情文並行愚故特湊俚語爲公極力表明以爲遺證

時在

中華民國三年花朝日奉天蔡潤田因訪何君適見其案上  
係爲福公忠勤記畧序因見獵心喜不揣冒昧故並將宦  
海伏波大事記勉湊一序爲何君酬知己惟望原情者諒  
其狂愚


宦海伏波大事記序

人不親入仕宦之途而仕宦之苦不能知人不同入仕宦之途而仕宦之苦不能信若魁於前清光緒戊戌科蒙大挑陝西知縣魁初猶不以爲苦而以爲樂及陞授神木縣時始知其苦不堪言也蓋以五斗米不能折腰而無養於萬戶侯不能低首而無榮此士入宦途無異船入海洋進退不可周旋不能矣茲讀福公所著之宦海伏波大事記固知公爲仕宦中過來人卽知公若從海洋中過來人也漂泊如不繫之舟去留無定遇合如乘風之艦升沉難憑况公之先人不與狗苟共交遊而風潮肆起及公之本身不與蠅營通結契而流

言忽生雖然者侯門縱如海深有理者力能破浪我心原如  
海闊無情者口難懸河究何必令宦海無波又何必懼宦海  
有波蓋翻波在人而止波在我故歷見公之先人與公之本  
身俱使海不揚波矣彼伯夷居於北海太公居於東海亦不  
過徒觀其瀾均未能如公與公之先人而有迴瀾之力焉因  
想得高宗之命說曰若濟巨川用汝作舟楫吾換言曰若濟  
巨海用公作舟楫則公定可與伏波將軍並駕齊驅亦可與  
航海軍門後先輝映矣魁雖未獲登公之堂幸嘗竊誦公之  
詩樂公之志有成而喜爲天下後世道也於是乎書

時在

中華民國甲寅年梅月雪晴日前清光緒壬午科舉人戊戌  
科大挑知縣任陝西神木縣事奉天覺羅恩魁謹序於維  
新書屋之丹爐右



# 宦海伏波大事記序

且言語之科與德行並重立言之則與立功同歸是貴乎一事記而事事皆記小事記而大事愈記庶可使事之不朽也若都護福公之事固不惟見諸言而更見諸行且不惟都護之事見諸行卽都護先人之事亦已見諸行也已清試讀吾師何子所著公之大事記自康熙中葉以迄于今知公之所爭者爲事之所當爭卽公之所得者亦事之所應得其以宦喻海蓋喻其道路寬闊而攸往咸宜也乃孰謂功名爲旗人所共羨漢軍久假而不歸冠冕本營人所擅專水師半籌而莫展固可見道路寬闊者此宦海而道路危險者亦爲此宦



濤其以正氣制邪氣如軍門航海而來抑以名場爲戰場如水隊衝波而去昔日平伏外患之風波今日卽平伏內患風波矣迨及於公之身並內患外患之風波一齊平伏矣將營缺爭回官授都護之職省城保守忠感俄人之心縱始受薩將軍之參劾繼受周巡撫之革議是經此一番風波卽長此一番識量矣況今日民國成立公何妨以伏波之手段上媿馬伏波之展布使海不揚波令四萬萬同胞共享寰海鏡清之福豈非國民深幸乎清於是拭目而望之

時在

中華民國甲寅年長至日前清盛京覺羅學漢教習年滿分

發湖北漢川縣知縣後學明白清謹序於陪都嚼梅書屋  
之雪亮軒並因

公在奉天所行之善政感銘於心而不能忘茲幸藉此簡編  
故特口占七律二首以頌之

爲國爲民事太忙蒙旗開導費商量哀鴻已集投安宅猛  
虎毋容走大荒瀋北勞來心緒苦洮南留得口碑長高風  
亮節人尊仰獻頌畧書紙一張

黑龍潛伏古江深藉勢生才慣作霖七尺微軀含地脉一  
腔正氣見天心運籌帷幄勤扶劍開導蒙旗暗度針旣與  
鍾期相識遇琴音何惜奉知音 後學明白清謹又贈



宦海伏波大事記序

人惟能伏先人所能伏者猶不見其事之大惟能伏先人所難伏者始可見其事之大若振威將軍福公全齋非能伏先人所難伏者乎觀其舍身軀以安人無使民散對礮口以禦侮無使城傾彼軍門之勦洗猶在俄人退敗之候而福公之擗擋正在俄人猖狂之時他若清獄訟而成病勦馬賊而安良開鄉試之道路而重文爭佐校之階梯而尊武縱漢軍爲弊是舞而公則援例以爭挽不回之氣數整已敝之衣冠不又超乎先人之上爲驚人救人之大事哉然猶不止此也且於日俄交戰恃強藩者戎馬驚心集中澤者哀鴻怵目公則

關洮南荒蕪之田招濟北流離之民其驚人救人之事不愈見其大也哉及握篆布城而布城今日之習直如柳州昔日之習夫柳州之貧且賤者常賣已之子女爲人奴而布城之富且貴者偏買人之子女爲己奴並賣奴之子女爲人奴其習俗洵較柳州而更陋公視其欲同人道於牛馬恐傷其天地之太和與朝廷之忠厚故於奴隸赴愬之時卽當堂諭曰爾等若甘心事主依然傍門就食爾等若無意仍舊無妨出谷遷居且刷印文憑令各執一紙以爲據庶暗室中得見青天黑海中再覩紅日矣彼子厚雖有此美意究未嘗有此良法公誠可謂什伯古人而加倍縱以後風波四起公從不隨

風逐浪而受其波折公獨能乘風破波而挽其波回彼過海  
神仙伏波將軍公均可與之並駕齊驅固何子謂所記之事  
大吾則謂所記之人大蓋如孟子所言有大人之事而能先  
立乎其大者則其小者不能奪也此爲大人而已矣是又豈  
驩虞小補者所能爭功耶是爲序

時在

中華民國甲寅年重陽日前清光緒壬午科舉人山東盡先  
補用道任吉林五常廳事德榮謹序於盛京大東關映雪  
書窗之飲冰館



1001

宦海伏波大事記序

從來白衣登將相戎幕作公卿其崛起於田間者不過有小  
事可記無大事可記也若都護福公世有令德爲時名卿且  
自少時已有澄清天下之志嘗聚米於地將敵形之通塞料  
理胸中錯灰於盤預密計之輸贏商籌度內特不遇窮時無  
以見節義不逢亂世亦無以識忠臣庚子秋俄人壓境然礮  
攻城彼時黑龍江充當官差者盡功名之士多節烈之士少  
也貪生怕死之士多爲國爲民之士少也惟公與程公衝鋒  
而去以百折不回之志作百計欲挽之心國而忘家公而忘  
私誠制治於未亂保邦於未危者焉薛仁貴三箭定天山未



必若此郭子儀單騎見回紇不過如斯宋瑞公云在秦張良  
椎在漢蘇武節爲嚴將軍頭爲稽侍中血爲張睢陽齒爲顏  
常山舌可以移而贈公矣使營缺不爲漢軍霸佔俾福公斧  
柯獲假得展其不凡之抱負庶可將船政修理營務整齊挑  
派丁壯精練技勇俄人聞之必心驚膽戰而避公三舍矣又  
誰敢長驅直入搖蕩我邊鄙擾亂我國家致社稷欲危人民  
不安耶無如欲整頓於患難未到之先盡屬狼當道而是阻  
及遭逢於大節將臨之候不禁虎出柙而難爲故惟欲委身  
事主著意安民城池得保於無恙商農共處於無虞其令聞  
廣譽施於身蓋已遠播於朝野上下間矣其總百官食萬錢